



O‘ZBEKISTON RESPUBLIKASINING TASHQI SIYOSATI 2017-2022-YILLARDA

Xolmatov Ibratbek Ilyosbek o‘g‘li

Andijon davlat universiteti 301-guruh talabasi

Ilmiy rahbar: Abdullayev Bekzod Xusniddin o‘g‘li

O‘zbekiston tarixi kafedrasida o‘qituvchisi

Abstract: Ushbu maqolada O‘zbekiston Respublikasi tashqi siyosiy faoliyatining Shavkat Mirziyoyev Miromonovich davri tarixiy manbalar hamda rasmiy axborot vositalari yordamida ilmiy asosda yoritiladi.

Kalit so‘zlar: Diplomatiya, tashqi siyosat, elchixonasi, ijobiy munosabat, elchi.

Abstract: In this article, the period of Shavkat Mirziyoyev Miromonovich's foreign political activity of the Republic of Uzbekistan is covered on a scientific basis with the help of historical sources and official media.

Key words: Diplomacy, foreign policy, embassy, positive attitude, ambassador.

Аннотация: В данной статье на научной основе с помощью исторических источников и официальных СМИ освещается период внешнеполитической деятельности Шавката Мирзиёева Миromonovichа в Республике Узбекистан.

Ключевые слова: Дипломатия, внешняя политика, посольство, позитивное отношение, посол.

Kirish

O‘zbekiston Respublikasida boshqaruv Shavkat Mirziyoyev Miromonovich qo‘liga o‘tganidan so‘ng, O‘zbekiston jadal tashqi siyosat olib bora boshladi. Bu borada ayniqsa Xalqaro miqyosda nihoyatda darajada faol siyosat olib borilmoqda. Qo‘shni mamlakatlar bilan savdo va tranzit masalalarda keng ko‘lamda hamkorlik ishlari amalga oshirilmoqda.

Jumlada investitsion masalalarda Xitoy, Fransiya, Janubiy Koreya singari mamlakatlar bilan aloqalar kengaymoqda. Eng muhimi O‘zbekistonning okeanga chiqish yo‘llarini ochish masalasida muhim ishlar amalga oshirilmoqda.

Natijalar

Avvalo O‘zbekistonning eng muhim iqtisodiy hamkori hisoblangan Xitoy Xalq Respublikasi bilan olib borayotgan munosabatlariga e‘tibor beradigan bo‘lsak 2017-yil 14-15-may oyida «Bir makon, bir yo‘l» xalqaro forumda ishtirok etish asosida



erishilgan qarorlar va kelishuvlarni amalga oshirish ikki mamlakat manfaatlariga mos keladi.

Ushbu sammit Xitoy Xalq Respublikasi poytaxti Pekin shaxrida bo‘lib o‘tdi. Sammitda ishtirok etgan Prezidenti Sh. Mirziyoyev “Bir makon bir yo‘l” konsepsiyasi haqida ushbu sammitdagi so‘zlagan nutqida quyidagicha baho bergan: “Bizningcha, Bir makon bir yo‘l” konsepsiyasi mamlakatlarimizning o‘zaro keng hamkorligining yanada samarali mexanizmlariga asoslangan, yangi xalqaro hamkorlik modelidir.

Xitoy ana shu jarayonlarning harakatga keltiruvchi kuchi ekanini ta’kidlash lozim.

Xitoy davlati rahbari Si Szinpin forumning ochilish marosimidagi dasturiy ma’ruzasida mamlakatlarimiz hamkorligini kengaytirish uchun yirik infratuzilma, investitsiya va savdo loyihalarini amalga oshirishga qaratilgan faol muloqot va keng ko‘lamli sheriklik muhimligini ta’kidladi. Bu konsepsiyani amalga oshirishda bepayon hududi orqali muhim xalqaro va mintaqaviy transit-transport koridorlari o‘tgan Rossiya Federatsiyasi ham muhim rol o‘ynashini ta’kidlash zarur.

Hurmatli forum qatnashchilari !

Ikki yarim ming yil muqaddam buyuk Xitoy faylasufi va mutafakkiri Lao Szi **“Dunyoda hamma narsa o‘sadi, gullaydi va o‘z ildizlariga qaytadi”**, deb aytgan ekan. Bu dialektik haqiqat naqadar to‘g‘ri ekanini vaqtning o‘zi ko‘rsatib turibdi.

Xitoy Xalq Respublikasi Raisi Si Szinpinning “Bir makon, bir yo‘l” konsepsiyasining ajralmas qismi bo‘lgan “Ipak yo‘li iqtisodiy yo‘nalishi”ni tashkil etish to‘g‘risidagi tashabbusi, bizningcha, nafaqat tarixiy ruh bilan boyitilgan, balki uzoq muddatli istiqbolga mo‘ljallangan keng qamrovli tashabbusni ifoda etadi [1].”- degan edi.

Bundan tashqari logistika masalasida ham “Xitoy-Qirg‘iziston-O‘zbekiston” temir yo‘lining ahamiyati ham katta bo‘lib. Bu yo‘l O‘zbekistonni Tinch okeaniga chiqishiga yordamlashishi bilan birga, O‘zbekistonning asosiy savdo hamkori Xitoy bilan ham uzluksiz bog‘lanishini taminlaydi. Eng muhim jihati shundaki ushbu yo‘l sababli kelajakda O‘zbekiston va Xitoy Yevropa bilan bog‘lanish imkoniga ham ega bo‘la olishi mumkin chunki loyiha keyinchalik davom ettirilishi ham mumkin [2].

Bundan tashqari Yevropa mamlakatlari bilan ham faol madaniy, iqtisodiy hamda investitsion aloqalar ham mustahkamlab borilmoqda. Jumladan 2018-yil Prezident Sh. M. Mirziyoyevning Yevropa davlatlariga qilgan rasmiy tashriflari ham strategik va amaliy jihatdan juda muvaffaqiyatli bo‘ldi. O‘zbekiston Prezidenti



Yevropaga o'zining birinchi tashrifini Fransiya davlatidan boshladi. Shu o'rinda



Fransiya va O'zbekistonning madaniy sohadagi hamkorlik masalari ham e'tiborga molikdir chunki O'zbekiston va umuman O'rta Osiyo tarixiga doir ko'plab artefaktlar Fransiyaning Luvr singari muzeylarining durdonlari hisoblanadi, bu esa ikki davlatning madaniy sohadagi hamkorligini mustahkamlaydi. 2018-yil 8-9-oktabr kunlari Prezident Shavkat Mirziyoyev Fransiya Respublikasi Prezidenti Emmanuel Makronning taklifiga binoan rasmiy tashrif bilan Fransiyada bo'ldi. Tashrifning birinchi kunida Yelisey saroyida O'zbekiston Respublikasi Prezidenti Shavkat Mirziyoyev va Fransiya Respublikasi Prezidenti Emmanuel Makronning uchrashuvi bo'lib o'tdi. Muzokarada O'zbekiston va Fransiya o'rtasidagi siyosiy muloqotni yanada mustahkamlash, savdo-iqtisodiy va investitsiyaviy hamkorlikni rivojlantirish, Shavkat Mirziyoyev va Emmanuel Makron madaniy-gumanitar almashuvlarni faollashtirish masalalari muhokama qilindi.

Shu o'rinda Yaqin Sharq, O'rta Osiyo mintaqasi mamlakatlari bilan munosabatlar yangi bosqichga ko'tarildi. Amerika qit'asidagi ko'plab mamlakatlar bilan ham munosabatlar jadal rivojlanmoqda.

Xulosa

O'zbekiston tashqi siyosati juda tez sur'atlarda jadal ravishda o'zgarganligi sababli bugungi kundagi globallashuv jarayoniga tez moslashmoqda.



O‘zbekistonning ochiq faol siyosat olib borishi sababli iqtisodiyotga faol tashqi investitsiya oqib kelmoqda.

Foydalanilgan adabiyotlar

1. Mirziyoyev Sh.M. Milliy taraqqiyot yo‘limizni qat’iyat bilan davom ettirib, yangi bosqichga ko‘taramiz. –T.: O‘zbekiston. 2019. –B 407
2. Omadjon Tavakkaljon ugli Kodirjonov, & Khusanboy Madaminjonovich Muminov. (2024). LOGISTICS OPPORTUNITIES OF THE REPUBLIC OF UZBEKISTAN WHY FOR CHINA?. *American Journal of Interdisciplinary Research and Development*, 25, 261–264. Retrieved from <http://ajird.journalspark.org/index.php/ajird/article/view/997>
3. Shamsutdinov R., Mo‘minov X. O‘zbekiston tarixi. –Toshkent: Sharq 2019. –B 562